




RAPPORT LNR 4779-2004

GIS analyse av eigna sjøbotnareal  
til havbeite for kamskjel og  
analyse av interesseomsetnader

Delprosjekt i "Havbruksanalyse  
Hordaland".



# RAPPORT


Hovedkontor	Sørlandsavdelingen	Østlandsavdelingen	Vestlandsavdelingen	Midt-Norge
Postboks 173, Kjelsås 0411 Oslo Telefon (47) 22 18 51 00 Telefax (47) 22 18 52 00 Internet: www.niva.no	Televeien 3 4879 Grimstad Telefon (47) 37 29 50 55 Telefax (47) 37 04 45 13	Sandvikaveien 41 2312 Ottestad Telefon (47) 62 57 64 00 Telefax (47) 62 57 66 53	Nordnesboder 5 5005 Bergen Telefon (47) 55 30 22 50 Telefax (47) 55 30 22 51	Postboks 1264 Pircenteret 7462 Trondheim Telefon (47) 73 87 10 34 / 44 Telefax (47) 73 87 10 10

Tittel  GIS analyse av eigna sjøbunnsareal til havbeite for kamskjel og analyse av interesseområder.  Delprosjekt i "Havbruksanalyse Hordaland".	Løpenr. (for bestilling) 4779-2004  Prosjektnr. Underrn. 23530	Dato Januar 2004  Sider 27
Forfattar Inge Døskeland	Fagområde GIS	Distribusjon FRI
	Geografisk område Hordaland	Trykket NIVA 2005

Oppdragsgjevar  Hordaland fylkeskommune. Agnes Mowinkelsgt. 5., 5020 Bergen	Oppdragsreferanse  Siri Hanson
---	--------------------------------------

Samandrag  Det er planlagt etablert anlegg for semiekstensivt havbeite med kamskjel i botnkultur i Hordaland. NIVA har i den samanheng utført ei GIS analyse for å identifisere område som tilfredsstiller gitte djupne- og hettingskrav. Djupne og helling er modellert i størsteparten av fylket med 25 meter oppløsning. Det er til saman identifisert og kartfesta areal på 357,6 km <sup>2</sup> i djupneintervallat 5 – 30 meter med mindre enn 15 grader helling i modellområdet. Gjennomsnittleg lokalitetsstorleik er på 16,7 dekar. Samtlege modellar og basiskart er produsert i digital form for vidare bearbeiding. Analysen kan ikkje konkludere med kor godt eigna lokalitetane vil vere for kamskjeldyrking. Til det trengst vidare analysar og undersøkingar i felt som tek omsyn til fleire lokaliseringsfaktorar som t.d. eksponering, salinitet og substrat.
---

Fire norske emneord	Fire engelske emneord
1. Kamskjel	1. Great scallop
2. GIS analyse	2. GIS analysis
3. Lokalisering	3. Shell farm siting
4. Hordaland	4. Hordaland

  
Inge Døskeland

Prosjektleder

  
Dominique DURAND  
Forskningsleder

ISBN 82-577-4455-7

  
Ansvarlig

**GIS analyse av eigna sjøbunnsareal til havbeite  
for kamskjel og analyse av interesseområder.**

Delprosjekt i "Havbruksanalyse Hordaland".

## Føreord

Hordaland fylkeskommune HFK ynskjer å produsere kartdata som verktøy for skjelnæringa ved søknad om konsesjon for havbeite for kamskjel. Vidare er det eit ynskje å betre kommunane sitt datagrunnlag for å leggje til rette for planmessig bruk av sjøområda for akvakultur.

NIVA vestlandsavdelinga utarbeidde i august 2003 metodikk og ein djupnemodell for eit pilotområde i Nordhordland i samband med kartlegging av marint biologisk mangfald for DN. Metodikken ligg til grunn for dette arbeidet.

Basert på skriftleg tilbod frå NIVA datert 8. sept 2003, samt presentasjon av djupnemodell og metode i møte 4. og 9. september, vart det gjeve aksept på oppstart av prosjektet 11. september. Kontaktperson i Hordaland fylkeskommune har vore Siri Hanson.

Fylkeskommunen presiserte følgjande: ”Prosjektet er eit pilotprosjekt og ein test på bruk av GIS-analyse som tilnærming i arbeid med ein fylkesdekkjande havbruksanalyse. Det er føresett at HFK skaffar til vege digitale djupnedata og digitale temadata. Prosjektet bygg på nye metodar og til dels usikre data. Vi ynskjer difor eit tilleggspunkt som gjeld evaluering slik at resultata betre kan nyttast i vidare arbeid med havbruksanalyse.”

Takk til alle involverte!

Bergen, januar 2004

*Inge Døskeland*

# Innhald

<b>Samandrag</b>	<b>5</b>
<b>Summary</b>	<b>6</b>
<b>1. Innleiing</b>	<b>7</b>
1.1 Bakgrunn og målsetting	7
<b>2. Metode</b>	<b>9</b>
2.1 Datagrunnlag	9
2.2 Bearbeiding av kartverket sine grunnlagsdata	9
2.3 Interpolering og raster	9
<b>3. Kort om kamskjels miljøkrav, spesielt for botndyrking</b>	<b>11</b>
3.1 Lokaliseringssparametrar	11
3.2 Andre opplysningar	12
<b>4. Resultat av GIS modell</b>	<b>13</b>
4.1 Tilrettelegging av djupnemodell, grunnlagsdata for djupnemodell	13
4.2 Djupnemodell, interpolering	15
4.3 Helling	17
4.4 Evaluering av eigna areal for kamskjeldyrking	17
4.5 GIS analyse av eigna areal for kamskjeldyrking	18
4.6 Døme analyse med eksponering	20
4.7 Datakvalitet i undersøkte område	22
4.8 Påverknad frå andre bruks- og verneinteresser	24
<b>5. Oppsummering</b>	<b>27</b>
<b>6. Litteratureferansar</b>	<b>28</b>
<b>7. Vedlegg</b>	<b>29</b>

## Samandrag

Hordaland fylkeskommune har i samarbeid med partnerar i næringa (kamskjeldyrkarnettverket "FRESA"), Havforskinsinstituttet og Senter for miljø og ressursstudiar, starta eit arbeid for å identifisere eigna areal med omsyn til semiekstensiv dyrking av kamskjel i botnkultur etter den nye havbeiteforskrifta. Prosjektet har kartfesta og digitalisert data om 221 eigna botndyrkingsområde basert på informasjon frå næringa, lokalkjende informantar og studiar av analoge sjøkart (i denne rapporten omtalt som "bruttolista", fig. 10). Det er vidare produsert tabellar med eigenskapsinformasjon og klassifisering av kvalitet. Bruttolista er ei oversikt over potensielt eigna område for dyrking. Dette prosjektet har supplert dei kvalitative datasetta ved hjelp av digitale kartdata.

Dette er eit pilotprosjekt på bruk av GIS-analyse som tilnærming i arbeid med ein fylkesdekkjande havbruksanalyse. Prosjektet tar utgangspunkt i modellering av djupne og hettingsgrad som parameter for å identifisere eigna dyrkingsområde. For mindre område i Nordhordland er også eksponering vurdert. Hordaland fylkeskommune har stilt til rådvelde nye djupnedata frå Statens kartverk som gjennom ei interpoleringsprosess er gjort flatedekkande for størsteparten av fylket. Analysen syner på kart areala i Hordaland som både er i djupneintervallet 5 – 30 meter og har ei helling på mindre enn 15 grader. Metoden er eigna til å kvalitetssikre det allereie etablerte datasettet (bruttolista), og til å identifisere nye potensielt eigna område. Eksponeringsdata for Nordhordland er stilt til rådvelde frå NINA.

I andre del av analysen vert areala frå bruttolista samanstilt med kartfesta opplysningar om andre arealbruksinteresser som kan være til hinder for havbeiteaktiviteten. Denne informasjonen er henta frå den regionale "Arealis" databasen i Hordaland.

I tillegg til denne rapporten er leveransen i dette prosjektet nye og reviderte datasett i ESRI's geodata shape og GRID format. Desse omfattar:

- Djupnemodell, raster
- Djupne, punkt
- Område innan gitt intervall, flate
- Djupnemodell klassifisert etter kvalitet, flate
- m.fl..

Kort om resultata:

- 1) Resultata indikerer at det finst omlag  $358 \text{ km}^2$  sjøbotnområde innanfor dei modellerte områda i Hordaland som kan tilfredsstille krav om **djupne og helling** til kamskjeldyrking.
- 2) Dei føreslårte eigna areala i bruttolista frå Hordaland fylkeskommune reduserast frå  $62 \text{ km}^2$  til  $36 \text{ km}^2$  ved å korrigere for djupne- og hettingskriteria.
- 3) Analyse av overlapp mellom areala i "bruttolista" over eigna kamskjelområde, og andre arealinteresser, syner at omlag 60 av dei 221 lokalitetane vert råka. Døme på slike interesser er oppdrettskonsesjonar, naturreservat, skjelsandopptak, kommunale utslepp med meir.

Digitale kartdatasett er nå tilgjengeleg på internett på [www.kart.ives.no](http://www.kart.ives.no)

## Summary

Hordaland county in cooperation with industrial partners (the scallop growers network "FRESA"), the Institute of Marine Science, and the Center for Environment and Resource Studies, initiated work to identify suitable areas for the moderately intensive seabed cultivation of scallops according to new sea-farming regulations. The project surveyed and digitised data from 221 areas suitable for bottom cultivation based on information from industry, local informants and studies of analogue marine maps (in this report these constitute the list of prospective study sites, see map in Fig. 10). From these data, attribute tables and classifications based on site quality were produced. The list of prospective study sites gives an overview of the areas potentially suitable for cultivation. Through this project qualitative data have been supplemented by digital map data.

This is a pilot project in the use of GIS analyses which approximate the county-wide study of marine farming. The project began by modelling the depth and gradient parameters to identify suitable cultivation sites. Exposure was also evaluated for smaller areas in Nordhordland. The Norwegian Mapping Authority made available new bathymetric data which has been interpolated to produce a continuous surface covering most of Hordaland county. The analysis mapped areas in Hordaland which have both a depth of 5 – 30 meters and a slope of less than 15 degrees. The methodology ensured a consistent quality in the existing data set (the list of prospective sites) and in the identification of new potentially suitable sites. Exposure data for Nordhordland was made available by NINA.

In the second part of the analysis, areas from the list of prospective sites were integrated with map-based information about other land use interests which could impact sea-farming activities. This information was retrieved from the regional "Arealis" database for Hordaland.

In addition to this report, the project provides new and edited digital data sets in ESRI's geodata shape and GRID formats. These include:

- Bathymetric terrain model, raster
- Bathymetry, points
- Areas within specific depth classes, surface
- Classified terrain model based on quality, surface
- Among others

The results are summarised as follows:

- 4) There are 358 km<sup>2</sup> of submerged territory within the modelled area in Hordaland which meet the **depth** and **slope** criteria for scallop cultivation.
- 5) The suggested suitable areas defined in the initial list of prospective sites provided by Hordaland county are reduced from 62 km<sup>2</sup> to 36 km<sup>2</sup> once corrected for the depth and slope criteria.
- 6) An analysis of the overlap between the suitable sites initially identified as prospective sites and other land use interests shows that approximately 60 of the 221 locations were affected. Examples of other land use interests include hatchery concessions, nature reserves, shell sand mining, communal wastewater outflows among others.

The digital data set is accessible on-line at [www.kart.ives.no](http://www.kart.ives.no).

# 1. Innleiing

## 1.1 Bakgrunn og målsetting


Havbeiteforskrifta vart vedteken 28. august 2003 med heimel i havbeitelova av 21. desember 2000. Havbeiteloven er innføring av eit ”marint landbruk” og ”marine grunneigarar”. Innehavar av løyve til havbeite har einerett til gjenfangst av den utsette arten i lokaliteten. Kamskjel kan verte ein av dei første artane som vert kommersialisert i denne semiekstensive dyrkingsforma. Dyrking av kamskjel kan skje ved hjelp av utsett av små individ (2 – 5 cm) innanfor gjerdeliknande innhegningar på sjøbotn for å unngå predasjon av mellom anna krabbe. Forsøk med denne teknikken er utført med stort hell i Radøy (<http://www.mamut.com/homepages/Norway/1/18/Hellandskjell/>).

Utallige faktorar påverkar overleving, vekst og kvalitet utsett i naturlege økosystem. Dette prosjektet har som mål å prøve ut ein digital djupne- og hellingsmodell, basert på sjøkartverket sine pr. dato tilgjengelege botntopografidata. Modellen vert nytta til å kvalitetssikre allereie føreslalte eigna areal basert på lokalkunnskap og papirbaserte sjøkart, og til å identifisere tilleggsareal som tilfredsstiller gitte djupnekgrav.

- Det er produsert eit nytt karttema som er ein avgrensing **innanfor** dei føreslalte områda på bruttolista, basert på djupne- og helling kriterium gitt av prosjektet.
- Det er produsert eit nytt datasett som angir potensielle område i høve til djupne og helling **utanfor** dei føreslalte områdane.
- Det er vidare produsert opplisting som angir kryssande interesser i de føreslalte områdane basert på ei liste over utvalde fylkeskommunale- og ”Arealis” data.

Innhaltet i prosjektet er etter diskusjon mellom Hordaland fylkeskommune og NIVA skissert som følgjer:

1. Innhente data frå Statens Kartverk for 21 kommunar
2. Konvertering, tilrettelegging av data
3. Modellkjøringar djupneinterpolering
4. Analyse helling
5. Analyse av helling og djupne, lage ”overlay” datasett
6. Identifisere område med definert helling og djupne utanfor registrerte område
7. Lage ”overlay” mot nærmere spesifiserte ”Arealistema”
8. Kartproduksjon
9. Rapport
10. Presentasjon av resultat
11. Produksjon av ”flow charts” og presentasjonsmatriell



**Figur 1.** Oversiktskart over modellerte område i Hordaland. Målestokk ca. 1: 1 mill

## 2. Metode

### 2.1 Datagrunnlag

Det finnes ei rekke metodar til å kartlegge botntopografi og botntype. Dei ulike metodane vil variere med omsyn til tilgjenge, pris og detaljeringsgrad. Grovt sett kan dei klassifiserast for vår bruk med omsyn til:

Metode	Fordeler	Ulemper
Fjernstyrt undervassfarkost (ROV) eller dykker	Maksimal detaljering. Video og prøver av substrat.	Kan bare dekke svært små areal. Kostbart.
Sidescannande sonar	Nøyaktige ”trinnløyse” djupnedata. Ein del sedimenttypar kan tolkast.	Kostbart å dekke større område.
Multistråleekkolodd, t.d. kartverket sine primærdata og NGU	Nøyaktige djupnedata. Ein del sedimenttypar kan tolkast.	Kostbart å dekke større område. Militære avgrensingar for bruk.
Djupnedata fra Statens kartverk	Data er etablert for nesten heile fylket. Lav pris.	Gir ikkje informasjon om sediment. Varierande kvalitet og oppløysing i ulike område.

I dette prosjektet var dekningsgrad, tilgjenge og pris på grunnlagsdatasetta avgjerande for val av metode. Andre teknikkar enn å vidareutvikle eksisterande data fra Statens kartverk ville medføre eit omfattande og tidkrevjande feltarbeid, og svært høge kostnader for leige av farty og personell. Dette prosjektet her derfor produsert ein djupnemodell med utgangspunkt i eit utval av digitale djupnedata frå hydrografiske originalkart levert frå Statens kartverk.

### 2.2 Bearbeiding av kartverket sine grunnlagsdata

Data vart levert kommunevis i SOSI format som linje- og punkttema. Det har vore eit mål å behalde mest mulig av kvalitetane i basisdatasettet gjennom heile analysen. Det har vidare vore eit mål å samle mest mulig punktinformasjon med djupneinformasjon for å sikre best mulige interpoleringar. Grovt skissert er den vidare bearbeidingsprosessen som følgjer.

- Samankopling av kommunedatasett til fylkesdatasett
- Fjerning av unødvendige attributt i eigenskapstabellar
- Generering av punkttema frå interpolerte djupnekurvar
- Samankopling av punkttema frå originaldatasettet og de interpolerte konturlinjene
- Fjerning av ”djupnepunkt” over 0 meter
- Fjerning av ikkje relevante punkt (eks. sjømerke, kaifrontar etc..)
- Fjerning av mangelfulle punkt (eks djupnepunkt koda med 0 meter i djupe fjordområde)
- Fjerning av punkt i områder der det er for få loddsot til å interpolere omliggande djupneflater.

### 2.3 Interpolering og raster

Originaldatasettet har varierande fordeling og tettleik av djupnemålingar. Basert på alle tilgjengelege djupnepunkt er det difor interpolert ei flate ved å tildele djupneverdiar til eit fast rutenett som dekker alle område. Resultatet er eit såkalla interpolert raster, eller grid tema, som er eit best mogleg anslag på djupne der data føreligg i fylket.

Overflateinterpolering bygg på ei rad anslag for å komme fram til best mulig estimat. Kor nært ein kjem dei verkelige djupneverdiiane vil vere noe avhengig av tettleik av djupnemålingar, datakvalitet og

interpoleringsmetode. Uansett teknikk vil resultata verte meir pålitelitande jo fleire input punkt ein har, og jo betre dei er fordelt i høve til variasjon i topografi.

I dette prosjektet har vi valt såkalla “spline” interpolering. Metoden tilpasser ei jamt kurva flate gjennom input punkta. Eit bilet på teknikken er å tenke seg eit jamt bua ”gummi ark” mellom dei målte djupneverdiane. Modellen bygger på ein formel som tar omsyn til fleire nært omliggande punkt, og samtidig genererer ei flate som passerer gjennom originaldatasettet.

Metoden blir typisk brukt i høgdemodellar der ein har nokolunde jamn og forutsigbar variasjon. Metoden er mindre eigna der ein har veldig store endringar i overflata over korte distansar.

Spline metoden kan vidare avstemmast til å danne ei utjamna overflate (*regularized*), eller til å danne ei overflate som i større grad gjenspeglar variasjonen i input datasettet (*tension*). Basert på testingar og felterfaringar med modellen i Nordhordland, har vi valt ”*tension*” varianten.

For å hindre at modellen interpolerer djup på landområde, eller i område med for lite input djupnepunkt, er det laga ei avgrensingsmaske. Vi har valt å gjere denne detaljert (10 meter cellestorleik) for å inkludere flest mogeleg djupnepunkt nær land. Maska er basert på kystkontur N50. Maska er klippa for område med for lite djupneinformasjon, og utvida forbi grunnlinja der det er djupnedata.

### 3. Kort om kamskjels miljøkrav, spesielt for botndyrking

Aktuelle miljøvariablar som påverkar skjelvezkst, overleving etc. er intervall for eigna djup, salinitet og strøm. Imidlertid vil andre faktorar knytt til den einskilde lokaliteten kunne skape synergi- eller antagoni effektar, og dermed være styrande for kor eigna lokaliteten er totalt sett (Hovgaard m.fl. 2001).

#### 3.1 Lokaliseringparametrar

Havbruksanalyseprosjektet i Hordaland fylkeskommune har saman med partnarar frå UiB, HI og næringa utarbeidd eit delprosjekt med førebels oversikt "Klassifisering av bunnlokalitet egnet til havbeite med stort kamskjell (*P. maximus*)". Resultatet av delprosjektet føreligg i rapportform frå Hordaland fylkeskommune (Hordaland fylkeskommune, Havbruksanalyse Hordaland Fase1. Delprosjekt: Kartlegging av kamskjellareal. November 2003). Tabell for klassifisering av eigna område basert på utvalde parametrar ligg som vedlegg 1.

Basert på referansar i Golmen m.fl. (2003), er det i det følgjande tatt med nokre utfyllande kommentarar til lokaliseringskriteria.

Kamskjel førekjem naturleg på djup frå nokre få meter under lågvatn til over 100 meters djup. Dei trivst best frå 15-30 m der det er stabilt miljø, tilstrekkelig fødetilgang, liten grad av eksponering og fråvær av vesentlige variasjonar i temperatur eller salinitet. Kamskjelet kan ikkje lukkast hermetisk og på den måten stenge omgjevnadane ute. Difor vil kraftige variasjonar i miljøvilkåra lettare føre til stress og død enn for andre typar skjell.

Det er observert større vekst hos kamskjel i hengekultur på 8 meters djup enn på 15 meter i sommarhalvåret. Dette skuldast mest sannsynleg høgare temperatur og betre fødetilgang i øvre vassjikt. Permanent dyrking på 8 meters djup kan imidlertid føre til tap i vinterhalvåret på grunn av kulde. Analysane i dette prosjektet har tatt utgangspunkt i å identifisere areal mellom 5 – 30 meters djup. Det må understrekast at det etablerte grunnlagsdatasettet er fleksibelt og at det er lett å velje andre intervall. Djupnemodellen kan nyttast til å identifisere større botnområde i djupneintervall med høg algeproduksjon og dermed førtilgang. Likevel er det mange variablar som påverkar algekonsentrasjon og –samansetning, som ikkje er vurdert i dette prosjektet.

I følgje Laing (2000) er temperaturen ein viktigare faktor for god vekst enn mattilboden for yngel. Kamskjel oppnår i flg. litteraturen maksimal vekst ved 12-18°C. Temperaturar under 2°C gir total mortalitet mens 2-4°C gir variabel mortalitet. Prøvedyrking av kamskjel i 1994-95 syntet at låge temperaturar ( $T < 4^{\circ}\text{C}$ ) om vinteren ga høg mortalitet på skjel dyrka i 8-15 m djup. Kamskjel som var dyrka på lokalitet der minimumstemperaturen var over 4 ° gav god overleving.  
(Ref: <http://www.skjell.com>).

Temperaturen på ein lokalitet bør såleis ikkje gå under 4°C over lengre periodar. Temperaturar over 15°C førekjem forøvrig sjeldan der kamskjel veks naturleg. Det er difor ynskjeleg at data om temperatur vert nytta i vidare arbeid med modellen.

Enno viktigare er å finne lokalitetar der saliniteten ikkje blir for låg. Yngel er særleg ømfintleg for salinitet lågare enn 29- 30 (Christophersen og Strand, 2003) sjølv om den kan akklimatisere seg til å tåle lågare verdiar enn dette. Dersom ein samtidig skal halde skjela ved ein høg temperatur, er det særskilt viktig å ikkje velje område frå modellen der det er risiko for store variasjonar i salinitet, som i fjordar med ferskvassstilrenning. Data om salinitet ville venteleg redusere "eigna område" ut i frå djupne og helling vesentleg.

Dessutan er det viktig at område valgt ut på grunnlag av modellen ligg i god avstand frå forureiningskjelder med utslepp til sjøen, eller eventuelt oppstrøms desse. Forureining kan gje uønska bismak på skjela, eller gje for høge konsentrasjonar i vevet av ulike stoff slik som miljøgifter.


### **3.2 Andre opplysningar**

Analysane og kartframstillingane er utført med ESRI programvare Arc View, Spatial analyst, Arc GIS og Arc Scene.


## 4. Resultat av GIS modell

### 4.1 Tilrettelegging av djupnemodell, grunnlagsdata for djupnemodell

Modellen er produsert av eit utval på 614.532 punkt med verdiar for djupne i fylket. Punkta er dels henta frå originale oppmålingar, og dels frå djupnekurver. Dei siste er omdanna til punkt ved sampling av djupneverdi i intervall med 50 meters horisontal avstand. Djupneverdiane spenner over eit intervall mellom 0,10 meter til 850 meter.




**Figur 2.** Døme på grunnlagsdata (punkt med djupneinformasjon) til modellen. Frå Fjell kommune nord.



**Figur 3.** Døme på djupnedata levert fra Statens kartverk. Målestokk ca. 1: 8.000. Frå N/V i Øygarden.

Det er varierande dekning av djupnemålingar i fylket (fig. 2 og 3). I nokre område var datasettet for mangefullt til å produsere modell. Grensa for modellering er skjønnsmessig vurdert. Figur 4 viser kva område dekning av data vart vurdert som tilstrekkeleg til å produsere interpolert rastermodell.




**Figur 4.** Hordaland, med geografisk utstrekning av modellområde. Raude område er **ikkje** modellert. Målestokk ca. 1: 1,5 mill.

## 4.2 Djupnemodell, interpolering


På grunn av stor variasjon i dekning av grunnlagsdata, vil det i mange høve vere missvisande å interpolere mellomliggende verdiar med høg oppløysing. Teknikkane vart først testa ut i ein forstudie i eit mindre område i fylket (Nordhordland) som har relativt høg tettleik av kartfesta djupnepunkt. Forsøka vart utført i samband med prosjektet "Kartlegging av marint biologisk mangfold i Nordhordland". Her vart det forsøksvis produsert eit interpolert grid (rutenett) med 10 meters horisontal oppløysing. Modellen vart etterprøvd i felt med båt og ekkolodd. Resultata i nokre tilfeldig valte område viste godt samsvar mellom målte- og interpolerte djupneverdiar.

I datasettet for heile fylket er det større forskjellar i datakvalitet. Modellen frå dette prosjektet er difor laga med 25 meters oppløysing. Dette vil også vere for høg oppløysing i fleire delar av fylket. Det er difor viktig at resultata ikkje vert nytta til andre føremål, som til dømes navigasjon og prosjektering av tekniske installasjoner.


Det ferdige interpolerte datasettet kan klassifiserast i djupneintervall etter ynskje (fig. 5). Det kan også produserast teiknereglar som ved hjelp av fargar framhevar bestemte intervall. For best mogleg visualisering av resultata kan det nyttast 3D framsyning der sluttbrukar interaktivt navigatorer ("flyg") i undervasslandskapet (fig. 6 og 7).



**Figur 5.** Døme på klassifisering av djupnemodell i 5 meter intervall til – 50 meter. Målestokk ca. 1 : 100.000. Fedje – Austrheim.



**Figur 6.** Døme på 3D kartvisualisering. Nordhordland, Hjeltefjorden og Toska i Radøy. Varierande målestokk.




**Figur 7.** Døme på 3D kartvisualisering. Rosa areal er område kartlagt av lokalkjende og ved hjelp av analoge sjøkart. Skraverte område er analyseresultat fra digital djupnemodell. Nordhordland, Hjeltefjorden og Herdlaflaket. Varierande målestokk.

Resultatet frå dette prosjektet vil først og fremst ligge i dei leverte digitale kartdatasetta. Ved bruk av desse i GIS system, vil ein ved å peike i kartet få opplysning om interpolert djupneverdi i alle

modellerte område. Vidare kan ein endre klassifisering og fargebruk for å framheve ei bestemt djupne eller eit intervall.

## 4.3 Helling

Helling og ”terreng uro” er eit kriterium for val av eigna område for kamskjeldyrking der det skal nyttast gjerde på botn. Det er føreslått akseptable verdiar inntil ca 10 – 15 grader helling. På grunnlag av djupnemodellen vart ”slope” funksjonen i ESRI Spatial analyst nytta til å berekne helling. På same måte som for djupne, gjer dette datasettet det mogleg å peike i kartet for å vise dei interpolerte verdiane. Resultatet vert gitt i grader frå 0 til 90(fig. 8). Modellen er følsam for variasjon i tettleik på grunnlagsdata. Djupneverdiane frå konturlinene som vart nytta i grunnlagsdatasettet gjer brå variasjonar i helling. Datasettet er nytta til å identifisere område med mindre enn 15 grader helling, men kan klassifiserast etter behov. Det er naudsynt med finare oppløysing og meir grunnlagsdata for å kunne fastsette detaljert plassering av gjerde på sjøbotn.



**Figur 8.** Øygarden nord ved Lyngøyri. Målestokk ca. 1 : 30.000.

#### **4.4 Evaluering av eigna areal for kamskjeldyrking**

Hordaland fylkeskommune har identifisert og kartfesta potensielt eigna areal i ei bruttoliste (Hordaland fylkeskommune, Christophersen, G m.fl. 2003). Til saman 221 område er føreslått (fig. 9). Desse områda utgjer:

Totalt kartfesta areal: 61.695 dekar = 61,7 km<sup>2</sup>

Gjennomsnittleg lokalitetsstorleik: 279 dekar

Største areal: 2.267 dekar

Minste areal: 23 dekar



**Figur 9.** Punktframstilling av føreslalte areal HFK. Målestokk ca. 1 : 950.000

Kartet i fig. 9 er resultat av ei brei prosess som har involvert UiB, HI og lokalkjende skjeldyrkarar. Ei rad kriterium er vurdert kvalitativt. Utgangspunktet for arbeidet har mellom anna vore skanna analoge sjøkart i ”Noreg 1: 50.000” serien. Desse karta er primært utarbeidd for navigasjon og inneholder ikkje tilstrekkeleg informasjon til djupnevurdering på lokalitetsnivå. Fordi karta heller ikkje kan analyserast med omsyn til djupne i GIS, er dei ikkje eigna til å identifisere flater i ulike djupneintervall.

#### 4.5 GIS analyse av eigna areal for kamskjeldyrking

Vurdering av djupne- og hellingsintervall kan gjerast i eit utal av intervall og kombinasjonar. Fordi datasetta lett kan klassifiserast vil datasetta fungere som basis i eit dynamisk system der kriteria for kva intervall som er ynskjeleg å kartfeste er i endring. Som døme på kombinasjon av helling og djupne er det her valt kriteria maksimum 15 grader og mellom -5 og -30 meter. Resultatet frå denne utrekninga for heile det modellerte området i Hordaland avgrensar 21.360 ruter med følgjande areal:

##### Maksimum 15 graders helling og mellom -5 og -30 meters djup:

- Totalt kartfesta areal: 357.557 dekar = **357,6 km<sup>2</sup>**
- Gjennomsnittleg lokalitetsstorleik: 16,7 dekar
- Største areal: 3090,9 dekar
- Minste areal: 0,4 dekar

Dette utgjer eit nesten 6 gonger større areal enn det som er vurdert som eigna i den kvalitative analysen. Det er viktig å understreke at arealet berre er berekna med omsyn til djupne og helling. Store delar av områda vil **ikkje** kunne nyttast til kamskjeldyrking på grunn av kraftig bølgjeeksponering, ueigna botnsubstrat, nærleik til tettstad, ferskvasspåverking mm.. Vidare vil analysen fragmentere areala og vise eit stort tal område ned til rutestorleiken (25 x 25 meter). Ved å vele bort område mindre enn 20 dekar (A og B kriteria i tabell vedlegg 1) får ein følgjande arealstatistikk:

#### Maksimum 15 grader helling og mellom -5 og -30 meters djup, område større enn 20 dekar:

- Tal område: 2846
- Totalt kartfesta areal: 313.700 dekar = **313,7 km<sup>2</sup>**
- Gjennomsnittleg lokalitetsstørlek: 110 dekar

Nyttar ein djupne og hellingsmodellen til å ”korrigere” bruttolista frå den kvalitative analysen, vil ein redusere denne frå 61.695 da = **61,7 km<sup>2</sup>** til 35.756 da = **31,4 km<sup>2</sup>** (fig. 10). Dei korrigerte områda på til saman om lag 31 km<sup>2</sup> er **svært interessante område** fordi dei både tilfredsstiller krava med omsyn til djupne, og fordi dei er kartfesta som eigna av lokalkjende med kunnskap om skjeldyrking.

Dei digitale kartlaga vert levert som datasett i ESRI shape format (flatepolygon) saman med rapporten. Digitale kartdatasett er gjort tilgjengeleg på internett på [www.kart.ives.no](http://www.kart.ives.no)



**Figur 10.** Døme på avgrensing av areal i ”bruttolista” i høve til djupne og eksponering. Øygarden ved Rongesundet. Målestokk ca. 1 : 35.000

## 4.6 Døme analyse med eksponering

For kommunane Lindås, Austrheim, Radøy, Meland og Fedje er det modellert bølgjeeksponering (sjå faktaboksen). Dette arbeidet er utført i samband med pilotforsøk for EUNIS klassifisering og kartlegging av marine naturtypar av NINA (Rinde m.fl. 2004).

NINA har utviklet en algoritme basert på formelen i Oug et al. 1985, for å beregne grad av eksponering. Metoden inkluderer strekningen vinden har å bygge opp bølger på ("fetch"), samt vindens styrke, frekvens og retning. Totaleksponeringen er gitt som summen av eksponeringen på ulik skala: lokal, fjord og hav. I totaleksponeringsindeksen er hav vektlagt 10 ganger mer enn fjord, og fjord 10 ganger mer enn lokal eksponering. Formel for beregning av eksponeringsgrad, E.

Basert på Oug et al. 1985.

$$E = (E\text{-lokal} + 10*E\text{-fjord} + 100*E\text{-hav}) / 10,$$

Der

E-lokal er E-verdi for lokal påvirkning, dvs radius 500 m

E-fjord er E-verdi for fjordpåvirkning, dvs radius lik 7,5 km

E-hav er E-verdi for havpåvirkning, dvs radius lik 100 km


For hver av de tre skalaene er E beregnet etter formelen:

$$E = V1*S1 + V2*S2 + \dots + VN*SN\dots\dots + V12*S12,$$

Der VN er vindmengden i himmelretning N, og SN er antall åpne  $10^\circ$  sektorer for himmelretning N. Hver himmelretning består av 3 sektorer á  $10^\circ$ .

VN = relativ frekvens\*gjennomsnittlig vindstyrke (m/s) i N'te himmelretning"

Etter møte med Espen Helland (Helland skjell), Øyvind Strand (HI) og Gyda Christoffersen (UiB), vart område med modellert eksponering mindre enn "1" ned til 10 meter djupne vurdert som akseptable for kamskjeldyrking. Denne grenseverdien bør validiserast ytterlegare for å kome fram til sikrare estimat for akseptabel eksponering. Døme på overlay og resultatkart er vist i figurane 11 og 12.



**Figur 11.** Flytdiagram etter "Seagis" modell.




**Figur 12.** Integrert analyse, djupne og eksponering. Austrheim ved Børildosen. Målestokk ca. 1 : 25.000.

Fargekode som vist på flytdiagram i fig. 11.


- Grøne område, lite eksponerte område i eksponeringsutsett djup (grunnare enn - 10 meter)
  - Oransje område, ikkje eksponeringsutsett djup mellom - 10 og - 30 meter
  - Raude område, eksponeringsutsett område grunnare enn - 10 meter
  - Nummererte polygon frå bruttolista

#### **4.7 Datakvalitet i undersøkte område**

Det er som tidlegare nemnt varierande dekning av djupnedata i fylket. I tillegg er målingane føretatt i ulike tidsrom med varierande teknikkar. For å få ei indikasjon på kor påliteleg den interpolerte djupnemodellen kan vere i dei føreslåtte kamskjelområda, har vi berekna tal loddskot pr. flateeininger. I dei 215 kamskjelområda er det til saman 15.168 registrerte djupnemålingar. Talet på målingar spenner frå 1 til 887 pr flateeininger. Modellen nyttar i gjennomsnitt 71 målingar pr flate. Framstillinga tek ikkje omsyn til loddskot utanfor dei føreslåtte kamskjelområda og er difor ei konservativ vurdering. Resultata er klassifiserte frå "svært därleg" til "svært god" og framstilt som eit eige GIS karttema (fig. 13 og 14).



**Figur 13.** Austevoll kommune. Vurdering av kvalitet på interpolert djupnemodell. Basert på antal djupnemålingar pr. flateeining innanfor føreslatté kamskjelområde.



**Figur 14.** Stord og Tysnes kommunar, satellittbilete. Vurdering av kvalitet på interpolert djupnemodell. Basert på antal djupnemålingar pr. flateleining innanfor føreslåtte kamskjelområde.

## 4.8 Påverknad frå andre bruks- og verneinteresser

I tillegg til reine naturgitte føresetnader som djup og eksponering, vil det vere ei rekke samfunnsinteresser som kan hindre etablering av havbeite. Døme er skjelsandgrabbing, kommunale utslepp og anna havbruksverksemd i området. Ein del potensielt konkurrerande arealbruksinteresser er kartfesta i geodatabasar i Hordaland. Dei følgjande analysane er å sjå på som ei første tilnærming til vurdering av nærleik og overlapp med områda som er føreslått i HFK si bruttoliste over eigna kamskjeldyrkingsområde. Områdenummerering refererer også til dette datasettet. Det vert tatt utgangspunkt i avstand i luftline. Det kan vere misvisande i høve til område som er skilt med t.d. øyar og nes. Ein må og vere merksam på at det i mange høve berre er liten arealmessig overlapp mellom interessene, og at registreringane kan inneholde feil. Eit grovt oversyn viser at vel 60 av dei 213 kamskjellokalitetane vert råka av ei ”potensielt motstridande” interesse. Av desse igjen er 11 av områda kryssa av 2 interesser. Det er anbefalt at det arbeidast vidare med kva som representerer reelle konfliktar, med avstandskriterium og med framskaffing av meir og betre temadata.

### Anna havbruksverksemd

Til saman 118 av dei 221 føreslåtte områda er 1 km eller nærmare ei eller anna form for havbruksverksemd registrert i Fiskeridirektoratet si havbruksdatabase. 14 havbruksanlegg i basen ligg innanfor kamskjelområda. Databasen er klassifisert etter mellom anna produksjonsformene matfisk, skaldyr, stamfisk og slakteri. Det er her ikkje vurdert dyrkingsform for skjel (botn- eller hengjekultur) eller matfisk marine artar eller laksefisk. Kvar av desse driftsformene vil ha ulik innverknad.

	Tal anlegg innanfor føreslåtte kamskjelområde	Tal anlegg mindre enn 1 km luftline fra kamskjelområde
Matfisk	8 (område nr. 2,26,88,205,202,209,215,220)	149
Skaldyr	5 (område nr. 34,120,121,158,196)	40
Stamfisk	1 (område nr. 205)	12
Slakteri	0	4

### Konsesjon for skjelsandopptak

Fire av dei føreslåtte kamskjelområda kryssar område som det er gitt konsesjon **for skjelsandopptak**. Desse områda har løpenummer 27 Bjørnøy i Øygarden, 34 Risøy i Fjell, 35 Sandøy i Fjell og 152 N. Reksteren i Tysnes.

### Fiskeriinteresser

Fem av dei føreslåtte kamskjelområda kryssar område som Fiskeridirektoratet har registrert som **"viktige fiskeområde"**. Desse områda har løpenummer 33, 36, 61, 99 og 153.

19 av dei føreslåtte kamskjelområda kryssar område som Fiskeridirektoratet har registrert som **"gyteområde"**. Desse områda har løpenummer 42 – 44, 56, 72, 86, 91, 105, 129, 143, 144, 155, 174, 177, 180, 187, 197, 207 og 211.

83 av dei føreslåtte kamskjelområda kryssar område som Fiskeridirektoratet har registrert som **"kaste- og låssettingsplassar"**.

### Natur-, miljø og fritidsinteresser

10 av dei føreslåtte kamskjelområda kryssar område som Fylkesmannen si miljøvernavdeling har registrert som **"naturreservat"**. Desse områda har løpenummer 92, 99, 106, 115, 138, 155, 156, 165, 202 og 204.

Ingen av dei føreslåtte kamskjelområda innehold punkt frå Fylkesmannens miljøvernavdeling si database **"ureina grunn"**. Dei to lokalitetane nr. 114 Lykelsøya i Kvinnherad og nr. 201 Breidvik i Fitjar er mindre enn 500 meter frå "ureina grunn".

Eit av områda har eit **kommunalt utslepp** innanfor arealet. Det er lokalitet nr. 25 Knappen S i Øygarden. I tillegg har 6 av områda kommunale utslepp mindre enn 100 meter frå lokaliteten. Det er lokalitet nr. 24, 27, 147, 163, 173 og 205. Totalt vil 26 kommunale avløp være nærmere enn 500 meter frå ein føreslått lokalitet.

36 av lokalitetane vil vidare krysse, eller ligge innforbi, forslaget til bruttoareal for framtidig **marint vern** frå Direktoratet for Naturforvaltning.

4 av lokalitetane vil krysse, eller ligge innforbi, forslaget til **"regionalt viktige sjøfuglområde"** frå Fylkesmannens miljøvernavdeling (ref. Byrkjeland)

12 av dei føreslåtte kamskjelområda kryssar område som Fylkesmannens miljøvernavdeling har registrert som **"sikra friluftsområde"**. Desse områda har løpenummer 22, 90, 96, 114, 118, 122, 123, 166, 173, 204, 206 og 217.

### Samferdsel

Dei registrerte **farleiene** frå Kystverket si kartbase kryssar 15 av kamskjellokalitetane. Desse har løpenummer 58, 60, 61, 74, 88, 114, 122, 123, 125, 140, 158, 172, 194, 209 og 212.

3 av kamskjellokalitetane har eit ”**ankringsområde for petroleumsverksemد**” innanfor arealet. Det er lokalitetane nr. 71 Skjelavikholmen i Sund, nr. 197 Ølve i Kvinnherad og nr. 217 Valland i Kvam. Ingen av lokalitetane har nokon av dei registrerte 25 ”**ankringsområde**” i fylket innanfor arealet.

69 av lokalitetane er nærmere enn 100 meter frå **veg** (alle typar frå europaveg til skogsbilveg og bruer medrekna). 12 av lokalitetane er berre 10 meter frå veg eller bru. Desse er nr. 1, 29, 59, 107, 114, 140, 158, 169, 183, 194, 209 og 212.

## 5. Oppsummering

Dei produserte digitale karttema gjev eit oversyn over potensielt eigna lokalitetar, og oppsummerar dei GIS analysane NIVA har utført. Resultata indikerer at det er vesentleg fleire eigna botndyrkingsområde for kamskjel enn antatt. Det er viktig å vidareføre analysen med bruk av fleire parametrar som t.d. eksponering for å nærmare fastslå kor stor del av dei "eigna" områda som reelt sett kan nyttast. Vidare er det ynskjeleg med grunnlagsdata som kan produsere djupnemodell med god kvalitet med 25 meter oppløysing.

Datasetta som er produsert er grunnlag for mange ulike undersøkingar i tillegg til havbeitemodellering. Døme er marinbiologisk mangfald, skjelsand, gyteområde, resipientvurderingar osb..

Statens kartverk kan pr dato levere rasterkart med 50 meter ruteoppløysing for delar av fylket. Vi har i dette prosjektet valt å ta utgangspunkt i dei originale punktverdiane og generere eigne modellar av fleire årsaker.

- Det er nyttig å ha dei eksakte punktfesta målingane som referanse for t.d. spesifikk lokalisering av konsesjonar.
- Å lage eigne interpoleringar gjer høve til å velje oppløysing (t.d. 10, 25 eller 50 meter rutenett) avhengig av datakvalitet og bruksområde.
- Å lage eigne interpoleringar gjev høve til å velje interpolatingsalgoritme tilpassa lokal topografi.
- Ved å nytte punktfesta originaldata kan ein synleggjere kvaliteten på djupnemodellen i dei ulike områda.

Ei tilråing for vidare arbeid med å identifisere eigna område er å lage ei justert kartframstilling basert på vedlagde fysiske lokaliseringsskriterium og data for eksponering. Dette datasettet kan så "klippast" med omsyn til utvalde samfunnsinteresser.

## 6. Litteratureferansar

Andersen, S., Ø. Stand, H. Skjæggestad, A. Haugom, og Ø. Bergh, 1999: Forskningsnytt kamskjell. Havbruksrapport 1999. Havforskningsinstituttet.

Christophersen, G og Ø. Strand 2003: Effect of reduced salinity on the great scallop (*Pecten maximus*) spat at two rearing temperatures. Aquaculture 215: 79-92.

Golmen, L.G., I. Døskeland, B. Braaten 2003: "Miljøvurdering av omsøkt kamskjellokalitet ved Hestholmen - Bjørøy i Fjell kommune". NIVA rapport 4703-2003, 27s.

Golmen, L.G. 1994: Strømforhold som lokaliseringskriterium. Norsk Fiskeoppdrett, Nr 1-94.

Hestdal, M., T. Aune, K. Tangen og E. Dahl 2001: Overvåkingsprogrammet for algetoksiner 2000. SNT-rapport 9, 72s.

Hordaland fylkeskommune, Christophersen, G m.fl. 2003: Havbruksanalyse Hordaland Fase1, Delprosjekt: Kartlegging av kamskjellareal. 22s.

Hovgaard, P., S. Mortensen og Ø. Strand 2001: Skjell. Biologi og dyrking. Kystnæringen Forlag & Bokklubb, 255 s.

Laing, I. 2000: Effect of temperature and ration on growth and condition of king scallop (*Pecten maximus*) spat. Aquaculture 183 (3-4): 325-334.

Rinde, E., Sløref, S.-E., Bakkestuen, V., Bekkby, T., Erikstad, L. & Longva, O. 2004. Modellering av utvalgte naturtyper og EUNIS klasser. To delprosjekter under det nasjonale programmet for kartlegging og overvåking av biologisk mangfold. - NINA Oppdragsmelding 807.

Seagis, Hordaland fylkeskommune. Interreg IIIC prosjekt. <http://www.hordaland-f.kommune.no/seagis/welcome.htm>

Aktuell internett adresse:

[http://www.skjell.com/artikler/forskningsinst/notat\\_fiskdep.htm](http://www.skjell.com/artikler/forskningsinst/notat_fiskdep.htm)

## 7. Vedlegg

Klassifisering	A-område (1) særdeles egnet	B-område (2) egnet	C-område (3) egnethet usikker	D-område (0) negnet	Kommentar
<b>KRITERIER REL. TIL SKJELLDYRKING</b>					
<b>Arealdyp</b>	<30 m	<50 m	30-50 m	>50 m	Avhengig av høstingsmetode
<b>Bunntype</b>	sand/grus + organisk	fin sand el. grov grus	mudder el. stein	hardbunn	
<b>Salinitet (årsvariasjon)</b>	>28 %	>28 %	>28 %	<28 %	
<b>Temperatur (årsvariasjon)</b>	5-18 °C	3-20 °C	3-20 °C	<3 °C og >20 °C	Avh. av skjellenes stedegenhet
<b>Arealstørrelse</b>	100-500 mål	20-100 mål	10-20 mål	<10 mål	Basert på økonomisk drivverdigheit
<b>Bunntopografi</b>	jevt og flatt	jevt og flatt	variert	bratt og kupert	
<b>Helning</b>	<10°	10-15°	15-20°	>20°	
<b>Reg. recipientundersøkelse fra området</b>					
Sedimentkvalitet					
Oksygeninnhold	>8 mg per liter	6-8 mg per liter	2-6 mg per liter	<2 mg per liter	Ref. prosj. SCALQUAL (UiB)
<b>Strømforhold</b>	<50 cm per sek	<50 cm per sek	50-75 cm per sek	>75 cm per sek	Må sjekkes og vurderes
<b>Forekomst av ville matskjell</b>	>1	>1	0	0	Ref. Mar. biologisk mangfold kart.
<b>Fødeforhold</b>					POM, klorofyll etc.
<b>Predatorer</b>	0	X	X	ekstrem stor forekomst	Krabber, sjøstjerner, fisk
<b>Andre organismer</b>	0	X	X	ekstrem stor forekomst	Drivtare
<b>Oppblomstring av giftige alger</b>	0	0	tidvis	X	
<b>Forurensning</b>					
Område med kostholdsråd	0 (>5 km)	bufferson? (3-5 km)	bufferson? (0.5-3)	X (0.5 km)	Gjelder råd vedr. matskjell
Ureina grunn/sediment	0 (>5 km)	bufferson? (3-5 km)	bufferson? (0.5-3)	X (0.5 km)	Iht. kvalitet matskjell
Kommunale utslepp	0 (>5 km)	bufferson? (3-5 km)	bufferson? (0.5-3)	X (0.5 km)	Iht. kvalitet matskjell
Industriutslepp	0 (>5 km)	bufferson? (3-5 km)	bufferson? (0.5-3)	X (0.5 km)	Iht. kvalitet matskjell

ANDRE BRUKS- OG VERNEINTERESSER	ingen konflikt	lavt konfliktnivå	medium konfliktnivå	ekskluderer havbeite	
<b>Reg. skjellsand/bunnprøve fra området</b>					
Konsesjon for oppnak av skjellsand	0	0	0	X	
Omsøkte omr for oppnak av skjellsand	0	0	0	X	
Tidlegare konsesjonar for oppnak av skjellsand	0	0	X		
<b>Oppdrettsvirksomhet i området</b>	0	bufferson?	bufferson?	X	Kan endres ved samlokalisering
<b>Oppdrettsvirksomhet tilgrenset området</b>	0	bufferson?	bufferson?	X	Kan endres ved samlokalisering
Registrert matskjellkonsesjon	0	bufferson?	bufferson?	X	
Hengekultur	0	bufferson?	bufferson?	X	
Bunnkultur	0	bufferson?	bufferson?	X	
Lokalitetar andre skjel	0	bufferson?	bufferson?	X	
Blåskjell	0	bufferson?	bufferson?	X	
Østers	0	bufferson?	bufferson?	X	
Lokalitetar andre skalldyr	0	bufferson?	bufferson?	X	
Settefiskanlegg	0	bufferson?	bufferson?	X	
Laksefisk	0	bufferson?	bufferson?	X	
Marine arter	0	bufferson?	bufferson?	X	
Matfiskanlegg	0	bufferson?	bufferson?	X	
Laksefisk	0	bufferson?	bufferson?	X	
Marine arter	0	bufferson?	bufferson?	X	
Slakteanlegg (5 km buffer)	0	bufferson?	bufferson?	X	
Laksefisk	0	bufferson?	bufferson?	X	
Marine arter	0	bufferson?	bufferson?	X	
<b>Fiskeri interesser i området</b>					
Fiskeområder	0	0		X	Iht. redskaps type (bunn) og dyp
Gyteområder	0				Ikke konflikt per se
Kaste- og lässettingsområder	0				Ikke konflikt per se
<b>Natur- og miljøvern interesser i området</b>					
Naturreservat	0			X	Strengeste verneform
Bruttoliste marine verneområder	0				Konflikt v irreversible inngrep
Fritiltsliv (sikret)	0	bufferson?	bufferson?		Bufferson fra sjøkanten iht aktivitet
Sjøfuglområder	0				Konflikt v bortfall av næringsgrunnlagr
Fuglelivsfredningsområde	0	bufferson?	bufferson?		Svak verneform
Område med registrert naturverdi	0	bufferson?	bufferson?		
Område med potensielle for marine kulturminner	0	bufferson?	bufferson?	X	Områdene må identifiseres/avgrenses
<b>Forsvarsinteresser</b>	0	bufferson?	bufferson?	X	Områdene må identifiseres/avgrenses
<b>Kystverket</b>					
Opplagsområder for fartøy	0	bufferson?	bufferson?		Dybde mulig konflikt
Ankringsområder	0	bufferson?	bufferson?		Dybde mulig konflikt
Farleder	0				Ikke konflikt per se
Kabelgater	0	bufferson?	bufferson?	X	Må identifiseres/kartlegges